

**Rudnik soli "TUZLA" d.d. Tuzla
- NADZORNI ODBOR –
Tuzla, juni/ lipanj 2022. godine**

U skladu sa članom 229. tačka (4) Zakona o privrednim društvima ("Službene novine FBiH" broj: 81/15) Nadzorni odbor na 2. redovnoj sjednici održanoj dana 02.06.2022. godine, donio je Odluku o sazivanju 29. redovne Skupštine Društva, broj: 01-03/22-2805 od 02.06.2022.godine i ovim putem objavljuje:

**O B A V J E Š T E N J E
O SAZIVANJU 29. REDOVNE SKUPŠTINE
DIONIČKOG DRUŠTVA RUDNIK SOLI "TUZLA" TUZLA**

29. (dvadesetdeveta) redovna Skupština DIONIČKOG DRUŠTVA RUDNIKA SOLI "TUZLA" TUZLA saziva se za dan **29.06.2022. godine (srijeda), sa početkom u 15:00 sati** u Tuzli, ulica Tušanj 66.

Za Skupštinu se predlaže slijedeći:

D N E V N I R E D:

1. Otvaranje Skupštine, izbor predsjednika Skupštine i dva dioničara za ovjeru zapisnika o radu Skupštine
2. Razmatranje godišnjeg Izvještaja o poslovanju Društva, a koji uključuje:
 - a) Izvještaj o poslovanju za I-XII 2021. godine sa bilansom stanja i bilansom uspjeha, koji uključuje finansijski izvještaj;
 - b) Izvještaj Nezavisnog revizora za 2021. godinu
 - c) Izvještaja Odbora za reviziju o izvršenom pregledu finansijskih izvještaja Rudnika soli "TUZLA" d.d. Tuzla za 2021.godinu;
 - d) Izvještaj o radu Odbora za reviziju za period juli 2021-april 2022.godine;
 - e) Izvještaj o radu Nadzornog odbora za 2021. godinu te donošenje Odluka o istim.
3. Donošenje Odluke o raspodjeli dobiti Društva
4. Donošenje Odluke o izboru vanjskog revizora za 2022.godinu

I Predsjednik Skupštine

Do izbora predsjednika Skupštine, Skupštinom će predsjedavati prisutni dioničar ili punomoćnik sa najvećim brojem dionica sa pravom glasa. Skupština većinom glasova, između prisutnih dioničara ili punomoćnika dioničara bira predsjednika Skupštine i dva ovjerivača Zapisnika Skupštine.

II Pravo učešća i prijava za učešće u radu i odlučivanju Skupštine:

Pravo učešća u radu i odlučivanju Skupštine imaju dioničari koji se nalaze na listi dioničara kod Registra vrijednosnih papira 30 dana prije datuma održavanja Skupštine.

Skupštini Rudnika soli "TUZLA" d.d. Tuzla mogu prisustvovati dioničari ili njihovi punomoćnici koji su se prijavili za učešće u radu i odlučivanju Skupštine najkasnije 3 (tri) dana prije dana održavanja Skupštine.

Dioničar ili punomoćnik dioničara dužan je podnijeti prijavu za učešće u radu i odlučivanju Skupštine, lično ili preporučenom poštom na adresu: Rudnik soli "TUZLA" d.d. Tuzla, ulica Tušanj 66, 75000 Tuzla, sa naznakom "Za Odbor za glasanje". Uz prijavu se obavezno prilaže fotokopija isprave za identifikaciju (lična karta ili pasoš). U slučaju neposrednog prijavljivanja, prijava se podnosi u sjedištu Društva, ulica Tušanj broj 66, Tuzla, kod Odbora za glasanje.

Dioničar ili grupa dioničara sa najmanje 5% ukupnog broja dionica sa pravom glasa, ima pravo pismeno predložiti pitanja i prijedloge Odluka za uvrštavanje na dnevni red Skupštine društva, kao i izmjenu dnevnog reda i prijedloga odluka Skupštine.

Prijedlog se dostavlja u pisanom obliku neposredno ili preporučenom poštom na gore navedenu adresu, najkasnije u roku od 8 (osam) dana od dana objavljivanja ovog Obavještenja.

III Pravo učešća u radu i odlučivanju Skupštine putem punomoćnika

Pravo učešća u radu i odlučivanju Skupštine, dioničar može ostvariti neposredno ili putem punomoćnika.

Punomoć za učešće u radu i odlučivanju Skupštine d.d. daje se u obliku pisane izjave, potpisane od strane dioničara–vlastodavca i punomoćnika ovjerena od strane nadležnog organa i dostavlja se Društvu lično ili poštanskom pošiljkom na adresu: Rudnik soli "TUZLA" d.d. Tuzla , ulica Tušanj broj 66., 75000 Tuzla ili faksom (broj 035/281-652).

IV Glasanje na Skupštini

Glasanje na Skupštini se vrši putem glasačkih listića zaokruživanjem na glasačkom listiću odgovora "ZA" ili "PROTIV" prijedloga odluke.

V Uvid u materijale za Skupštinu

Narednog dana od dana objavljivanja Obavještenja do dana održavanja Skupštine dioničar/punomoćnik ima pravo uvida u materijale pripremljene za Skupštinu u Upravi Rudnika soli "TUZLA" d.d. Tuzla, svakim radnim danom u vremenu od 9,⁰⁰ do 14,⁰⁰ sati.

Predsjednik Nadzornog odbora
Emir Hadžimešić, dipl.pravnik